

Dževad Rađo
Zastupnik SBB BIH

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Vlade Kantona Sarajevo
n/r Predsjedateljice Skupštine KS

Sarajevo, 24.04.2018 godina

ZASTUPNIČKA INICIJATIVA

S obzirom da skoro osam godina potpuno neopravdano i neprihvatljivo traje postupak donošenja Odluke o zaštiti Izvorišta Sarajevsko polje pokrećem slijedeću inicijativu :

Skupština Kantona Sarajevo zadužuje Vladu Kantona Sarajevo da u roku 15 dana formira neovisnu stručnu komisiju koja bi imala zadatke:

- a) Da za Vladu i Skupštinu Kantona Sarajevo sačini detaljan izvještaj o svim dosadašnjim aktivnostima na ovom projektu i to hronološki posložen od momenta pokretanja projekta do današnjeg dana
- b) Da sačini detekciju učinjenih propusta koji su projekat odveli u blokadu
- c) Da predloži kratkoročne i dugoročne mjere i aktivnosti u cilju prevazilaženja stanja
- d) U sastav komisije ne treba birati lica iz reda uposlenika u KS, iz nosilaca pripreme /Zavod za izgradnju /,iz sastava revidenata i nosioca izrade elaborata radi nepristrasnosti.
- e) Svi organi i tijela koja su neposredno ili posredno učestvovala u projektu su dužna komisiji dostaviti tražene podatke i informacije
- f) Komisija je dužna u roku 60 dana završiti obavezu iz tačke a. i b., a iz tačke c. u roku 90 dana Svoj rad komisija nastavlja kao konsultant do donošenja Odluke. Administrativnu logistiku obezbjeđuje Vlada Kantona Sarajevo.

Obrazloženje:

Ovaj projekat je započet 2010. godine a koordinaciju je vodilo Ministarstvo prostornog uređenja, građenja i zaštite okoliša Kantona Sarajevo, dok je nosilac pripreme bio Zavod za izgradnju KS a nosilac izrade Institut za hidrotehniku Sarajevo.

U 2016. godini smo informisani da je projekat ušao u blokadu te smo na prijedlog Vlade KS usvojili izmjene Zakona o vodama Kantona Sarajevo kao rješenje problema. Ali nažalost aktuelna situacija govori da obećanje nije ispunjeno.

Nakon toga Vlada KS formira Komisiju za izradu nacrtu Odluke o privremenoj zaštiti u aprilu 2017. godine, da bi u aprilu 2018. godine komisija podnijela izvještaj.

Komisija konstatuje nedostatke u Elaboratu kao i potrebne aktivnosti kao uslov za donošenje Odluke. Smatram da je aktuelna situacija i navedeni podaci dovoljan razlog da se inicijativa usvoji.

Zastupnik SBB BIH

mr. Dževad Rađo